

*Ad manipulum, dum imponitur brachio sinistro :
Merear, Domine, portare manipulum fletus et
doloris : ut cum exultatione recipiam mercedem
laboris.*

Ad stolam, dum imponitur collo :

Redde mihi, Domine, stolam immortalitatis, quam
perdidi in prævaricatione primi parentis : et quam-
vis indignus accedo ad tuum sacrum mysterium,
merear tamen gaudium sempiternum.

Ad casulam, cum assumitur :

Domine, qui dixisti : Jugum meum suave est et
onus meum leve : fac, ut istud portare sic valeam,
quod consequar tuam gratiam. Amen.



GRATIARUM ACTIO

POST MISSAM.

Antiphona. Trium puerorum cantemus hymnum,
quem cantabant sancti in camino ignis, benedicen-
tes Dominum. *Tempore Paschali.* Alleluia. *Hæc an-*
tiphona in duplicibus duplicatur.

Canticum trium Puerorum.

Benedicite omnia opera Domini Domino ; laudate
et superexalte eum in sœcula.

Benedicite angeli Domini, Domino ; benedicite
cœli Domino.

Benedicite aquæ omnes, quæ super celosunt Do-
mino : benedicite omnes virtutes Domini Domino.

Benedicite sol et luna Domino : benedicite stellæ
cœli Domino.

Benedicite omnis imber et ros Domino : benedici-
te omnes spiritus Dei Domino.

Benedicite ignis et æstus Domino ; benedicite fri-
gus et æstus Domino.

Benedicite rores et pruina Domino : benedicite
gelu et frigus Domino.

Benedicite glacies et nives Domino : benedicite
noctes et dies Domino.

Benedicite lux et tenebræ Domino : benedicite
fulgura et nubes Domino.

Benedic terra Dominum : laudet et superexalte
eum in sœcula.

Benedicite montes et colles Domino : benedicite
universa germinantia in terra Domino.

Benedicite fontes Domino : benedicite maria et
flumina Domino.

Benedicite cete et omnia quæ moventur in aquis
Domino : benedicite omnes volucres cœli Domino.

Benedicite omnes bestiæ et pecora Domino : bene-
dicite filii hominum Domino.

Benedicat Israël Dominum : laudet et superexal-
tet eum in sœcula.

Benedicite Sacerdotes Domini Domino : benedicite
servi Domini Domino.

Benedicite spiritus et animæ justorum Domino :
benedicite sancti et humiles corde Domino.

Benedicite Anania, Azaria, Misael Domino : laudate
et superexaltate eum in sœcula.

Benedicamus Patrem et Filium cum Sancto Spi-
ritu : laudemus et superexaltemus eum in sœcula.

Benedictus es, Domine, in firmamento cœli : et
laudabilis et gloriosus et superexaltatus in sœcula.

Psalmus CL.

Laudate Dominum in Sanctis ejus : laudate eum
in firmamento virtutis ejus.

Laudate eum in virtutibus ejus : laudate eum se-
cundum multitudinem magnitudinis ejus.

Laudate eum in sono tube : laudate eum in psal-
terio et cithara.

Laudate eum in tympano et choro : laudate eum
in chordis et organo.

Laudate eum in cymbalis benesonantibus, laudate
eum in cymbalis jubilationis, omnis spiritus laudet
Dominum.

Gloria Patri, etc.

Repetitur Antiphona. Trium puerorum, etc.

Kyrie eleison. Christe eleison. Kyrie eleison. Pater
noster, etc.

¶. Et ne nos inducas in temptationem. ¶. Sed libera
nos a malo.

¶. Confiteantur tibi, Domine, omnia opera tua.

¶. Et Sancti tui benedicant tibi.

¶. Exultabunt Sancti in gloria. ¶. Lætabuntur in
cubilibus suis.

¶. Non nobis, Domine, non nobis. ¶. Sed nomini
tuo da gloriam.

¶. Domine, exaudi orationem meam. ¶. Et clamor
meus ad te veniat.

¶. Dominus vobiscum. ¶. Et cum spiritu tuo.

Oremus.

Deus, qui tribus Pueris mitigasti flamas ignium,
concede propitius, ut nos famulos tuos non exurat
flamma vitiorum.

Actiones nostras, quæsumus Domine, aspirando
præveni et adjuvando prosequere, ut cuncta nostra
oratio et operatio a te semper incipiat, et per te ec-
pta finiantur.

Da nobis, quæsumus Domine, vitiorum nostrorum
flamas extinguiere, qui beato Laurentio tribuisti
tormentorum suorum incendia superare. Per Chri-
stum Dominum nostrum. Amen.

Oratio S. Thomæ Aquinatis.

Gratias tibi ago, Domine sancte, Pater omnipotens, æterne Deus, qui me peccatorem, indignum
famulum tuum, nullis meis meritis, sed sola digna-
tione misericordiae tue satiare dignatus es pretioso
Corpore et Sanguine Fili tui, Domini nostri Jesu
Christi. Et precor te, ut hæc sancta Communio non
sit mihi reatus ad poenam sed intercessio salutaris
ad veniam ; sit mihi armatura fidei et scutum bonæ
voluntatis. Sit vitiorum meorum evacuatio, concu-
piscentiæ et libidinis exterminatio, charitatis et pa-

tientiae, humilitatis et obedientiae, omniumque virtutum augmentatio; contra insidias inimicorum omnium, tam visibilium quam invisibilium, firma defensio; motum meorum, tam carnalium quam spiritualium perfecta quietatio; in te uno ac vero Deo firma adhaesio, atque finis mei felix consummatio. Et precor te, ut ad illud ineffabile convivium me peccatorem perducere digneris, ubi tu, cum Filio tuo et Spiritu Sancto, Sanctis tuis es lux vera, saetia plena, gaudium sempiternum, jucunditas summa et felicitas perfecta. Per eumdem Christum Dominum nostrum.

Oratio S. Bonaventure.

Transfige, dulcissime Domine Jesu Christe, medullas et viscera animae meae suavissimo ac saluberrimo amoris tui vulnere; vera, serenaque et apostolica sanctissima charitate; ut langueat et liquefiat anima mea solo semper amore et desiderio tui: te concupiscat et deficiat in atria tua; cupiat dissolvi et esse tecum. Da ut anima mea te esuriat Panem Angelorum, refectionem animarum sanctorum, Panem nostrum quotidianum supersubstantialem, habentem omnem dulcedinem et saporem et omne delectamentum suavitatis: te, in quem desiderant Angeli prospicere, semper esuriat et comedat cor meum, et dulcedine saporis tui repleantur viscera animae meae; te semper sicut fontem vite, fontem sapientiae et scientiae, fontem aeternaluminis, torrentem voluptatis, ubertatem domus Dei: te semper ambiat, te querat, te inveniat, ad te tendat, ad te perveniat, te meditetur, te loquatur, et omnia operetur in laudem et gloriam nominis tui, cum humilitate et discretione, cum dilectione, et dilectione, cum facilitate et affectu, cum perseverantia usque in finem; et tu sis solus sem-

per spes mea, tota fiducia mea, divitiae meæ, delectatio mea, jucunditas mea, gaudium meum, quies et tranquillitas mea, pax mea, suavitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea, possessio mea, thesaurus meus: in quo fixa et firma et immobiliter semper sit radicata mens mea et cor meum. Amen.

Rhythmus

EJUSDEM S. THOMÆ AD SS. SACRAMENTUM.

Adoro te devote latens Deitas,

Quæ sub his figuris vere latitas :

Tibi se cor meum totum subjicit,

Quia te contemplans totum deficit

Visus, gustus, tactus in te fallitur;

Sed auditu solo tuto creditur,

Credo quidquid dixit Dei Filius,

Nil hoc verbo veritatis verius.

In Cruce latebat sola Deitas,

At hic latet simul et Humanitas :

Ambo tamen credens, atque confitens,

Peto quod petivit latro poenitens.

Plagas sicut Thomas non intueor,

Deum tamen meum te confiteor;

Fac me tibi semper magis credere,

In te spem habere, te diligere.

O memoriale mortis Domini,

Panis vivus, vitam praestans homini :

Præsta meæ menti de vivere,

Et te illi semper dulce sapere.

Pie pellicane, Jesu Domine,

Me immundum munda tuo Sanguine;

Cujus una stilla salvum facere,

Totum mundum quit ab omni scelere.

Jesu, quem velatum nunc aspicio,

Oro, fiat illud quod tam sitio;

Ut te revelata cernens facie,

Visu sim beatus tue gloriae.

Amen.

Utiliter his orationibus Missalis addentur sequentes:

Oratio ad B. V. Mariam.

Respice in me gloriosissima Virgo Maria, quiaignum objectum oculorum tuorum nunc factus sum. Loquere pro me bona dilectissimo Filio tuo, qui me Corpore et Sanguine suo suavissime refecit, et offer ei merita tua in supplementum imperfectionis meae. Gratias age ei pro me, et impetra mihi, ut Sacramentali sua praesentia non discedat a me, nisi relinquat post se animæ meæ et corpori meo largissimam benedictionem. Amen.

Oratio ad S. Joseph

CUM INDULGENTIA I ANNI, CONCESSA A PIO VII.

Virginum Custos et Pater, Sancte Joseph, cuius fideli custodiæ ipsa Innocentia, Christus Jesus, et Virgo Virginum Maria commissa fuit: te per hoc utrumque charissimum pignus, Jesum et Mariam, obsecro et obtestor, ut me ab omni immunditia præservatum, mente incontaminata, puro corde et casto corpore Jesu et Mariæ semper facias castissime famulari. Amen.

Oratio ad Sanctum

DE QUO LECTA EST MISSA.

Sancte N., in cujus honorem incuruentum Corporis et Sanguinis Christi Sacrificium obtuli, fac tua po-

tenti apud Deum intercessione, ut usu hujus mysterii Passionis et Mortis ejusdem Christi, Salvatoris nostri, merita consequar, ac cum illius frequentatione continuo crescat meæ salutis effectus. Amen.

PRECES

PRO LUCRANDIS INDULGENTIIS PLENARIIS DIEBUS
QUIBUS SUNT CONCESSÆ.

Oratio preparatoria.

Omnipotens sempiterne Deus, cujus misericordia a peccatis omnibus æternæque damnationis reatu me absolutum confido, quamvis temporalibus penitentiæ obnoxias permaneam, cum his diluendis opera mea non sufficient, ad inexhaustum meritorum unigeniti Filii tui, Domini nostri Jesu Christi, Sanctorumque thesaurum confugio, ut hujus abundantia tenuitati et indigentiae meæ subveniatur. Promptum me ad omnia, quæ in hunc finem præstanta sunt offero. Suscipe ea, o Pater misericordiarum, in unione Passionis ut Mortis ejusdem Filii tui, plenarieque hujus indulgentiæ me, licet indignum, fac participem (*Si indulgentiam lucrari intendis pro defunctis, adde: quam applicare intendo, per modum suffragii, Purgatorii animabus, in specie autem animæ N.*) Amen.

Oratio

AD DEUM PATREM PRO EXALTATIONE S. MATRIS
ECCLESIAE.

Memento, o Pater æterne, congregationis tuæ, quam possedisti ab initio. Agnosce Ecclesiam velut

sponsam unigeniti Filii tui, pro qua ipse Sanguinem suum profundere non dubitavit. Hanc, obsecro, sanctitatis decoro, gratiarum opibus, et hæreditatis amplitudine ita exalta, ut digna compareat tali sposo, tantoque Redemptionis pretio. Respice benignissime ejusdem S. Matris filios, eorumque numero universas gentes associa, ut omnes te, Deum Patrem, et quem misisti, Jesum Christum, una cum S. Spiritu, fide viva agnoscant, spe firma invocent et charitate perfecta complectantur. Amen. *Pater et Ave.*

Oratio

AD DEUM FILIUM PRO EXTRIPATIONE HÆRESUM.

O Jesu, lux vera, quæ illuminas omnem hominem venientem in hunc mundum: fac, oro, per insestabilem Passionis et Mortis tuae virtutem, ut pulsis hæresum et errorum tenebris, veritatis tuæ lumen omnes amplectantur et in optatum Ecclesie tuæ gremium confluant. O Pastor bone, qui animam tuam pro ovibus tuis posuisti, gregem tuum protege, et contra vim insidiasque eorum defende, qui veniunt in vestimentis oviuum, intrinsecus autem sunt lupi rapaces. Fac, ut unum omnes pastorem admittant, et unum omnium sit ovile. Mane nobiscum, Domine, quoniam dixisti: Ecce ego vobis sum omnibus diebus usque ad consummationem sœculi. Ostende Ecclesiam tuam esse ædificatam super petram et portas inferi non prævalere adversus eam. Amen. *Pater et Ave.*

Oratio

AD S. SPIRITUM, PRO CONCORDIA CHRISTIANORUM PRINCIPUM.

O Sancte Spiritus, Spiritus amoris et pacis, qui

tot tantasque gentes in unitate fidei congregasti, largire Christianis Principibus, eorumque consiliariis abundantiam tuæ gratiæ, novoque charitatis tuæ munere præveni eorum corda, ut ex hoc omnes agnoscant, eos in numero electorum censendos et Christiano nomine dignos esse. Fac, ne ulla unquam cupiditate abducti, quidquam moliantur, quod divinae tuæ gloriæ, concordiæ Ecclesiæ adversetur: sed unitis potius viribus, ad pacis æternæ visionem et cœlestem Jerusalem populum sibi subjectum una secum perducere nitantur. *Pater et Ave.*

Oratio

PRO SS^{MO} DOMINO PAPA

Deus, omnium fidelium Pastor et Rector, famulum tuum N., quem Pastorem Ecclesiæ tuæ præesse voluisti, propitius respice: da ei, quæsumus, verbo et exemplo quibus præst proficere, ut ad vitam, una cum grege sibi credito, perveniat semipernam. Per Christum Dominum nostrum. *Pater et Ave.*

Oratio

CUM INDULGENTIA PLENARIA, APPPLICABILI ANIMABUS PURGATORII, DICENDA POST MISSAM.

Qui confessus et sacra Communione refectus cum corde vere contrito et devoto recitaverit sequentem Orationem, coram qualcumque imagine Jesu Crucifixi, consequi potest Indulgentiam plenariam.

Primitus concessa fuit hæc indulgentia a Clemente VIII. et Benedicto XIV.

De novo concessa et confirmata fuit in perpetuum a Pio VII die 10 Aprilis 1821.

Dein applicabilis facta animabus Purgatorii a Leone XII die 17 Sept. 1825.

Tandem de novo confirmata a Pio IX die 51 Julii 1858, modo insuper per aliquod temporis spatum juxta mentem Sanctitatis sue pie oraverint; ut dicitur in Decreto.

Oratio cum Indulgentia plenaria.



En ego, o bone et dulcissime Jesu,
ante conspectum tuum genibus me
provolvo, ac maximo animi ardore te
oro, atque optestor, ut meum in cor
vividos Fidei, Spei et Charitatis sen-
sus, atque veram peccatorum meorum
poenitentiam, eaque emendandi firmis-
simam voluntatem velis imprimere:
dum magno animi affectu et dolore
tua quinque vulnera tecum ipse con-
sidero, ac mente contempnor, illud
pre oculis habens, quod jam in ore
ponebat tuo David Propheta de Te, o
bone Jesu: *Foderunt manus meas et pedes
meos: dinumeraverunt omnia ossa mea.* 1s.
21 f. 18.)

PRECES ANTE ET POST MISSAM

PRO SINGULIS MENSIS DIEBUS.

DIES I.

ANTE MISSAM.

Sacerdos, ait Sanctus Alphonsus, *Missam ea;* qua
decet, devotione celebrare non poterit nisi magnam
habeat hujus Sancti Sacrificii estimationem. Attenta
proinde mente consideret: « Nullum aliud opus, iuxta
S. Concilii Tridentini effatum, adeo Sanctum a Christi
sacerdotibus tractari posse quam hoc tremendum myste-
rium. » (Sess. 22.)

Quasi mundus illi universus concreditus sit, atque
omnium ipse pater sit, sic sacerdos ad Deum accedit.
(S. Chrys. lib. de Sacerd.)

Oblatio Sacrificii qua latreutici

Offero tibi, summe Deus, Sacrificium Unigeniti
tui, quod per me indignum peragi voluisti, ad recog-
noscendum super me et omnes creaturas supremam
dominationem tuam, potestatem et imperium. Pro-
fite or igitur hujus Sacrificii actione, et coram omni-
bus viventibus, quod sumus hic in terra respirantes
præcise tamquam nihil ante te, quodque tu sis so-
lus Dominus, cui omnis honor, virtus et gloria de-
betur ab omnibus creaturis et nunc et in perpetuum.

Qua eucharisticie.

Offero etiam illud tibi, beneficentissime Deus, in